

REGLUGERÐ

um breytingu á reglugerð fyrir Hitaveitu Grímsnes- og Grafningshrepps, nr. 252/2001.

1. gr.

Í stað 3. gr. komi ný grein, svohljóðandi:

Orkuveitusvæði hitaveitunnar eru tvö aðskilin hitaveitusvæði og dreifikerfi með vatn sem hefur mismunandi hita. Þessi svæði eru annars vegar á og við Borgarsvæðið með vatn frá Vaðnesi, í gjaldskrá nefnd Borgarveitan og hins vegar austari hluti Grímsness, með vatn frá Kringlu, í gjaldskrá nefnd Kringluveitan.

2. gr.

Reglugerð þessi öðlast þegar gildi.

Iðnaðarráðuneytinu, 16. júlí 2002.

Porgeir Örlygsson.

Þóra M. Hjaltested.

GJALDSKRÁ

Hitaveitu Grímsnes- og Grafningshrepps.

I. KAFLI

1. gr.

Hitaveita Grímsnes- og Grafningshrepps selur afnot hitaorku úr hitaveitukerfum þeim, sem gerð hafa verið eða kunna að verða gerð í lögsagnarumdæmi hitaveitunnar og hún hefur umráðarétt yfir, eftir þeim reglum sem settar eru í gjaldskrá þessari sbr. reglugerð staðfesta af iðnaðarráðherra nr. 252/2001, með síðari breytingum, fyrir Hitaveitu Grímsnes- og Grafningshrepps.

2. gr.

Hitaveitan lætur hverju húsi, sem er í sambandi við vatnsæðar hennar í té vatnsmagn, er ætla má að nægi til hitunar á húsinu.

Hitaveitan lætur setja rennismæli eða stillanlegan hemil fyrir hámarksrennsli til hvers upphitunarkerfis og miðast gjald hitaveitunnar fyrir selda orku við rúmmetra samkvæmt rennismælinum eða það hámark, sem hemillinn er stilltur á.

Hitaveitan ræður gerð rennismæla og hemla og sér um viðhald og endurnýjun þeirra.

3. gr.

Einungis starfsmenn hitaveitunnar mega breyta stillingu innsiglaðra tengihluta. Hitaveitan breytir stillingu hemils eftir óskum húseiganda fyrir árið, sem hús hans er tengt við hitaveitukerfið, en síðan verður hemilsstillingu að jafnaði breytt einu sinni á ári og skal skrifleg beiðni um breytingu koma fram við hitaveituna fyrir 1. september ár hvert. Hámarksstilling hemils gildir allt árið þótt vatnsnotkun verði minni hluta úr ári. Minnsta

sala gegnum hemil skal vera 1 mínútulítri. Selt vatnsmagn standi ávallt á heilum eða hálfum mínútulítra.

Ef kaupandi óskar að hemill eða mælir sé prófaður skal hann senda skriflega beiðni þar um til hitaveitunnar. Komi í ljós við þá athugun að frávik sé 5% eða minna, er heimilt að gera kaupanda að greiða álestrargjald. Sé frávik meira skal hitaveitan greiða kostnað við prófunina og leiðréttu reikning kaupanda í samræmi við niðurstöður hennar, þó ekki fyrir lengra tímabil en tvo mánuði nema kaupandi eða hitaveitan, eftir því sem við á, geti sannað að um lengra tímabil hafi verið að ræða, þó lengst fjögur ár.

II. KAFLI

4. gr.

Hitaveita Grímsnes- og Grafningshrepps rekur nú tvö aðskilin hitaveitusvæði og dreifi-kerfi með vatn sem hefur mismunandi hita. Þessi svæði eru annars vegar á og við Borgarsvæðið með vatn frá Vaðnesi, hér eftir nefnd Borgarveitan og hins vegar austari hluti Grímsness, með vatn frá Kringlu, hér eftir nefnd Kringluveitan. Gjald fyrir eininguna af heitu vatni (m^3 eða $l/mín$) verða því mishá eftir svæðum.

5. gr.

Borgarveitan:

A. Hemlagjald (varmagjald):

Sumarbústaðir, snjóbræðslukerfi og notkun samkvæmt sérsamningum skal greiða fyrir hemlagjald. Lámarksstilling er 2,0 $l/mínútu$. Hemlagjald fyrir hvern mínútulítra á mánuði er kr. 1.111,80.

B. Eldri samningar:

Þar sem vatnið er keypt skv. hemli beint úr stofnlögn er gjald fyrir hvern mínútulítra kr. 649,26 á mánuði.

C. Rúmmetragjald skv. mæli:

Almennt íbúðar- og iðnaðarhúsnæði og gróðurhús skal greiða varmagjald. Varmagjald fyrir hvern rúmmetra vatns kr. 30,30.

Mælagjald á mánuði:

	kr.
C1 Stærð mælis/hemils DN 15	579,88
C2 Stærð mælis/hemils DN 20	828,40
C3 Stærð mælis/hemils DN 25	1.024,60
C4 Stærð mælis/hemils DN 32	1.220,80
C5 Stærð mælis/hemils DN 40	1.418,09
C6 Stærð mælis/hemils DN 50	1.941,29

D. Stofngjöld:

Innifalið í stofngjaldi er ein heimæð á lóð allt að 25 m talið frá lóðarmörkum þar sem hitaveituæðin kemur að viðkomandi lóð og ein mælagrind.

D1	fyrir húsrými allt að $300 m^3$ og gróðurhús allt að $200 m^2$	52.320
	Fyrir hvern rúmmetra húss/fermetra gróðurhúss	130,80
D2	fyrir húsrými stærra en $300 m^3$ og gróðurhús stærra enn $200 m^2$	63.220
	Fyrir hvern rúmmetra húss/ferm. gróðurhúss umfram $300 m^3/200 m^2$	101,37
D3	fyrir sumarhús	
	Stofngjald fyrir húsveitu	230.000
D4	gjald fyrir auka mælagrind	41.965

Auk stofngjalds, sem að framan greinir, skal greiða 1.575 kr. fyrir hvern lengdarmetra heimæðar frá stofnæð umfram 25 m.

<i>E. Önnur gjöld:</i>	Kr.
Lokunargjald	2.725
Aukaálestur	2.725

6. gr.

Kringluveitan:

Gjöld fyrir afnot heita vatnsins eru sem hér segir:

Fast mánaðargjald hjá þeim notendum sem kaupa heitt vatn eftir hemli eða mæli skal vera krónur:

	kr.
E1 Stærð mælis/hemils DN 15	579,88
E2 Stærð mælis/hemils DN 20	828,40
E3 Stærð mælis/hemils DN 25	1.024,60
E4 Stærð mælis/hemils DN 32	1.220,80
E5 Stærð mælis/hemils DN 40	1.418,09
E6 Stærð mælis/hemils DN 50	1.941,29

Vatnsgjald er kr. 1.667,70 á mánuði fyrir hvern mínútulíttra í hámarksstillingu hemils. Lámarksstilling er 2,0 l/mínútu.

Rúmmetragjald skv. mæli skal vera 50,83 kr./m³.

Stofngjald.

Innifalið í stofngjaldi er ein heimæð á lóð allt að 25 m, talið frá lóðarmörkum þar sem hitaveituæðin kemur að viðkomandi lóð og ein mælagrind.

	kr.
F1 íbúðarhús allt að 300 m ³ og gróðurhús allt að 200 m ²	230.000
Fyrir hvern rúmmetra/fermetra þar yfir skal greiða 500 kr./m ³ .	
F2 vélageymslur og gripahús allt að 300 m ³	150.000
Fyrir hvern rúmmetra/fermetra þar yfir skal greiða 325 kr./m ³ .	
F3 fyrir sumarhús	
Stofngjald fyrir húsveitu	230.000
F4 gjald fyrir auka mælagrind	38.500

Auk stofngjalds, sem að framan greinir, skal greiða 1.575 kr. fyrir hvern lengdarmetra heimæðar frá stofnæð umfram 25 m.

<i>Önnur gjöld.</i>	kr.
Lokunargjald	2.725
Aukaálestur	2.725

7. gr.

Hitaveitugjöld skv. 5. gr. og 6. gr. verða krafín annan hvern mánuð og skulu þau greiddast til skrifstofu Hitaveitu Grímsnes- og Grafningshrepps, í bönkum eða pósthúsum. Gjald-dagi er við framvísun reiknings eða tilkynningar um reikningsupphæð. Það eru vanskil, ef gjöldin eru ekki að fullu greidd innan 15 daga frá gjalddaga.

Sé um óskipulagt svæði að ræða, eða aðstæður óvenjulegar, er heimilt að krefjast sér-staks aukagjalds af húsráðanda eða gera honum að greiða fyrir heimtaugina samkvæmt kostnaði, en gera skal honum aðvart um það fyrirfram.

8. gr.

Gjöld samkv. 5. gr. og 6. gr. eru miðuð við vísitölu byggingarkostnaðar. Er veitustjórn heimilt að breyta þeim í samræmi við þær breytingar, sem á nefndri vísitölu verða, að fenginni staðfestingu iðnaðarráðuneytisins hverju sinni.

III. KAFLI

9. gr.

Öll gjöld samkv. gjaldskrá þessari má taka fjárnámi á kostnað gjaldanda, sbr. 28. gr. reglugerðar fyrir Hitaveitu Grímsnes- og Grafningshrepps og 79. gr. laga nr. 58/1967 með síðari breytingum.

10. gr.

Hitaveita Grímsnes- og Grafningshrepps hefur rétt til að loka aðrennsli heita vatnsins að húsi eða íbúð notanda, sem vanrækir að greiða hitaveitugjöld. Fyrirætlun um lokun ber að tilkynna með fimm daga fyrirvara, sbr. 27. gr. reglugerðar fyrir Hitaveitu Grímsnes- og Grafningshrepps.

Allan raunkostnað við lokun og opnun á ný greiðir sá, sem í vanskilum er.

Eftirlitsmanni hitaveitunnar skal veittur hvenær sem er frjálss aðgangur að öllum hitakerfum, sem tengd eru við hitaveituna. Er húseiganda skylt að hlíta tafarlaust fyrirmælum hans um viðgerð á bilunum og sérhverjum ráðstöfunum til varnar gegn misnotkun heita vatnsins.

Á öll gjöld samkvæmt gjaldskrá þessari leggst virðisaukaskattur samkvæmt gildandi reglum á hverjum tíma.

Gjaldskrá þessi, sem samþykkt er af sveitarstjórn Grímsnes- og Grafningshrepps, staðfestist hér með samkvæmt orkulögum nr. 58, 29. apríl 1967 með síðari breytingum, til að öðlast gildi 1. ágúst 2002 og birtist til eftirbreytni öllum sem hlut eiga að máli. Jafnframt er úr gildi felld eldri gjaldskrá sama efnis, nr. 398, 14. maí 2001.

Iðnaðarráðuneytinu, 16. júlí 2002.

Porgeir Örlygsson.

Katrín Jóhannsdóttir.

REGLUGERÐ**um menntun og skyldur heilbrigðisfulltrúa.**

1. gr.

Rétt til þess að starfa sem heilbrigðisfulltrúi hér á landi og kalla sig heilbrigðisfulltrúa hefur sá einn, sem til þess hefur fengið leyfi umhverfisráðherra.

2. gr.

Leyfi samkvæmt 1. gr. má aðeins veita þeim sem uppfylla eftirfarandi skilyrði.

a) Viðkomandi skal hafa háskólamenntun á sviði heilbrigðisvísinda, raunvísinda, verkfræði eða sambærilega menntun.